




**BJliche antwurt Leonhart Brunners auß heylicher schrift vnd
geystlichem rechten, auff XXIX. artickel vnd fragstück den
Christlichen glauben betreffend. Von den Erwürdigen [et]c.
Dechan vnnd Capite des Stiffts z? Wormbs gefragt**

<https://hdl.handle.net/1874/427369>

riora

qu.
8



**Dit boek hoort bij de Collectie Van Buchell
Huybert van Buchell (1513-1599)**

Meer informatie over de collectie is beschikbaar op:

<http://repertorium.library.uu.nl/node/2732>

Wegens onderzoek aan deze collectie is bij deze boeken ook de volledige buitenkant gescand. De hierna volgende scans zijn in volgorde waarop ze getoond worden:

- de rug van het boek
 - de kopsnede
 - de frontsnede
 - de staartsnede
 - het achterplat

**This book is part of the Van Buchell Collection
Huybert van Buchell (1513-1599)**

More information on this collection is available at:

<http://repertorium.library.uu.nl/node/2732>

Due to research concerning this collection the outside of these books has been scanned in full. The following scans are, in order of appearance:

- the spine
- the head edge
- the fore edge
- the bottom edge
- the back board

Rariora

F. qu.

288










Miscellanea Theologica


Quarto n^o. 288

Cur


Rariora

**F. qu.
288**





1. Leonh. Bannner, dater auf d. Höhe zu Horns gef.
2. Casp. Hedwig, v. d. Schulen.
3. Euffers & Witzle, Personiz zu Marburg
4. Bernhard Ritzpat, Adolph Claudenachs et P. F. J. G. G.
deno. Personiz & Colen
5. And. Keller, Analogy des St. Cap. bei Stockholms
6. Helffrank Capito hat die Verstecker zigs
Fogheit haben sollen &
7. Joseph Claudenachon. v. Markaffiger Landt
8. Bernhard Helffrank, v. J. J. G. G.



Billiche antzwurt Leonhart
Bunners auß heyliger schrifft vnd geyst-
lichem rechten / auff XXIX. articel vnd fragstück
den Chrißlichen glauben betreffend. Von dem
Erwürdigen ic. Dechan vnnnd Capitel
des Stiffes zu Wormbs gefragt.

Prouerb. xvij.

Der nam des Herren ist eyn sehr starcker thurn / der
gerecht laufft dohin vnd wirt beschirmt.

Wer da lachet ehe er höret / der erzeygt sich vnweiff
sein / vnd schanden würdig.

Psalm. xxxvij.

Selig ist der man / des hoffnung ist in nam des herrē.

Ex donat h. b. h. h. h. h.

Geeruckt auff den Neundten tag Im Mayen
Nach Christi gebürt Im Jar M. D. XXX.



Den Erwürdigen 2c. herren Dechant vñnd Capitel des
Tumstifts zu Wormbs/ wünscht Leonhart Brunner
diener des worts in der gemeyn gottes zu Wormbs.

Gnad/ frid/ vñnd erkantnuß des götliche worts vō Gott
dē almechtige vatter/ durch den eynigē mīcler vñ seligmā-
cher Jesum Christū vnsern hern. Erwürdigen 2c. liebe her-
ren/ Es ist mir vor kōmen Doctor Daniels Sanggenrieds
antwort auff xxix. fragstück/ vō ewren 2c. gfrage/ dē
Christlichen glaubē betreffend/ welche ich mit fleiß vñ wol
durchlesen hab/ befinde doch des genanten doctor Daniels
antwort on all ordnūg/ rechtmessig vñ grūntlich antwort
wil geschweigē dz er zu offtermal im selbst zurwid/ Dieweil
aber soliche fragstück nit alleyn (laut des titfels) vō doctor
Daniel/ sonder auch von allen pfarrhern vñ predigern/ ge-
fragt werden/ kan ich oder mag/ nit vorüber gehn/ sonder
zwingt mich d̄ befelh gottes/ vor dē ich schuldig bin meiner
leer rechenschafft zūgebē/ auff solch fragstück auch zū ant-
wurten/ Domit 2c. 2c. wissen was ich lere vñd glaub/
vñ nit eynē iedē merenträger/ dardurch ich zū zeitē/ fālsch-
lich vertragen/ glaubē gebe. Bitt ewer 2c. wöllens nach
dem besten verstehn/ vñd in gutem auffnemen/ Dān Gott
sei mein zeug/ ich nit mein ehr vñ wolfart sūch/ sond gottes
vñd aller menschē seligkēyt/ wo aber iemants were/ d̄ diser
meiner antwort nit gesetziget (dān ichs auffs kurtzist ge-
stellet/ domit ich nit ein verdauß sei) wil ich solchē nit alleyn
diser artickel halb/ sond vñ alles so ich gelernt hab/ vor ver-
stendigen/ weitern vñ gütlīchen bericht geben/ Gott d̄ all-
mechtig wōl euch gnad geben seinen willē zū erforschen/ vñ
sein wort zū ordn zū d̄ seligkēyt Amen. Hiemit will ich mich
2c. 2c. nach dem willen Gottes vnderthenigklich souil
zūr ehr Gottes reycht/ beuolhen haben. Geben in der Keys-
serlichen freistatt Wormbs/ anff Sonntag Judica genant
Anno M. D. xxx.

Das Erst Fragstück. Questio. 1.
¶ Was er für die heylig Christlich Kirch halt. // ij. Vñ
der selbigen gewalt. // iij. Vñ Concilien.

Antwort.

Ich halt die gemeynschafft / der heyligē / dz ist aller
fromen glaubigen / die in rechtem glauben vñnd liebe /
vor Gott vñ den menschē wandlē / für die heylig Christ-
lich Kirch oder gemeyn / die do eynhelliglich bekennen
eynen Gott / Herren vñnd haubt Christum / welche inn
dem lebendigen vñ göttlichen wort / geboirē / versamlet
vñnd regiert werden / Die auch eyn eyenige wolgefellige
braut Christi. Ephe. v. Cant. vj. Vñnd im / Gott dem
Herren / in gerechtigkeit / gericht / güte / vñ barmher-
zigkeit ewiglich vermählelet seind / ja im glaubē festig-
lich vertrawet / auff das sie Gott iren gespons recht er-
kennen lernen Hosea ij. Summa die Christlich Kirch ist d
geystlich tempel Gottes / d auß lebendigen steynē (nit
auß todten) wirt erbaut. j. Pet. ij. Item xvj. q. vij. Ex
hoc dirim. Demnach die Römisch papistisch gemeyn
oder Kirch / vorab zu diser zeit / nit kan die heylig Christ-
lich Kirch sein / die weil weder rechter glaub / noch liebe /
oder leer bei jr befunden. Sie ist auch nit alleyn nit on
mackel vñnd runzlen Ephe. v. Sonder ligt inn allen
lastern on alle schew / vñnd forcht Gottes / bis vber die
oren / darff keyns bewerens / Ja mehr / sie schmuckt der
heyligen mertter greber / vñnd macht täglich ie mehe
darzu. Danō Lu. xij. Ds aber d papisten hauff nit kan
die Christlich Kirch sein wie oben steht / findestu xxij. q.
i. ca. Alienus. Wie mögem zwen oder drei inn dem na-
men des Herrn versamlet sein / da offenbar ist das sie
sich von Christo vñnd seinem Evangelio sündren. Nun

1. **S**ündert sich die papistisch kirch von Christo / dan ob sie wol Christum / zu teyl mit mund bekennet / so verleugnet sie doch sein krafft / welche ist / dz er sein volck alleyn von sünden erlöset Math. i. Esa. liij. Es stehet auch in ca. vbi Sana. Wo nit eyn rechter glaub ist / do mag auch nit rechte fromkeyt sein / Dann der gerecht lebe seins glaubens / des gleichen von der liebe / dan die lieb des nechsten thut nichts böß / vnd ob schon vnserer ältern vnwissender irthüm zu begütigen ist / etlicher maß beiden gotsfürchtigen / so ist doch das Bapstum zu vnseren zeiten / gantz gotlos vnd strefflich / dan so dz liecht kómen ist vnd die menschen die finsternuß mehr lieben / so ist schon das vireyl gesezt Johan. iij. Höre was xxiij. q. iij. geschriben steht / Der ein andern irsal vertedingt vnd beschirmpt / der ist vil strefflicher vn verdamlicher dann der / der selbs irret / dann nit alleyn irret / sonder er gibt auch andern eyn anstos des irrsals den er bestetiget / vnd dieweil er eyn meyster des irrsals ist / so ist er nit alleyn ein ketzer ic. Dan lese es selbs / vn hernach ca. transferunt. Was sol ich sagen / Es müssen alle die in d. Christlichē kirchē / glider seind heylig sein / von irem gesunden heyligē haupt Christo / aber nit eyn ied bapst ist heylig / süchend dist. xix. ca. Anastasius ic.

ij. **D**ie Christlich kirch hat nit mehe gewalt züthün / dann was sie von Christo Jesu irem breutgam / vnd haupt / gehört vnd gelert ist / das auch alles inn der gemeyn erbarlich vnd ordenlich zügehe j. Cor. xiiij. Dises aber hat sie gewalt züthün / Nemlich / die ding / die vnbilllich zügelassen vnd beschehen seind abzüthün / wöllē sie anderst billlichē schadē entpfliehē / ob es schon durch den stül zu Rom beschehe vnd geurteylt were. xxxv. q. ca. quod quis. ca. sententiam.

ij Wo die Concilien mit Gottes wort stimmen halt ich
wobvon jnen/Wo aber nit laß ichs menschen sein/ mit
welcher gebot man Gott vergeblich dienet *Esā. xxix.*
Math. xv. Collo. 2. Dan findet xxv. q. j. ca. Satagendū
das der babst/ auß vermög des göttlichen gesetz/ mit
seinem glauben/ der heylige gschrifft schuldiglich vn-
derworfen sei.

Questio
2.

C Das ander Fragstück.

i Ob Babst/ Bischoff/ Concilien/ außserhalb des
worts Gottes mögen gesetz machen/ darzü die seel vnd
gewissen der menschen verbunden werde. // **ij** Was vñ
warin die Christlich freiheyt stehe.

C Antwort.

i Aufss erst teyl der frag. Neyn/ aller ding nit/ sond
mann soll alleyn Gottes wort hören/ vnd behalte/ we-
der darzü noch daruon thün/ auch nit zur rechtē oder
lincken weichen. *Nume. xx. vnd xxij. Deut. iij. xij. xvij.*
vnd xxvij. Josua xxij. Prouer. xxx. Danon auch imni
geystlichen rechtē xxiiij. q. j. c. a. recta. Item ca. Rogas
mus. Item c. xxij. q. iij. ca. Nemo. Die gewissen auch
seind alleyn Gott dem hertzenkündiger der die hertzen
vnd nieren erforschet vorbehalten zuregieren.

ij Zum andern Christliche freiheyt steht inn dem für-
nemlich/ daß vns die warheyt gefreiet hab. *Joha. viij.*
Domit der mensch auß frei willigem gemüt vnd geyst
als eyn kind Gottes/ vud nit als eyn gedingter knecht
oder taglōner/ Gottes gebott (dem außserwelten/ eyn
süß joch) volbringe. Nachmals er/ als der sun/ der all-
zeit im hauß bleiben wirt *Johan. viij.* sich aller Creas-
turen im glauben vnd lieb/ mit danck sagung/ gebraus-
che. Es sei essen/ trincken/ kleyder/ feiern oder fasten/
A iij

Danon alle episteln Pauli/vorab ad Gallatas/vnd j.
Thi. iij. auch Christus im Euangelio Math. xv. vnd
anderstwo.

Doch so besehe man auch dist. xli. c. delitie/Item ca.
quisquis. Item ca. quod dicit. Item dist. xxx. ca. si quis
presbiter.

Von Feiertagen.

Dist. xliij. ca. comessationes. Ire dist. iij. ca. deniqz
Item dist. iij. ca. puenit/Item ca. licet. extra de ferijs/
Die zwey letzten Capitel setzen auch den Sonntag im
zweiffel. Aber ich verwirff ihn nit/so man recht mit
vmb gehet.

Von Kleydern.

Math. xxij. Das geystlich recht verflucht auch die
sunderung der Kleyder dist. xxx. ca. si quis virorum.

Questio
3

Das die Fragstück.

Welcher massen die geschriffte/anden ortē da sie dun-
ckel vnd widerwertig scheint möge anßgelegt/vnd er-
klet werden.

Antwort.

Wat niemants eyn weiffagung/so sei sie dem glauben
enblich Rom. xij. Welcher glaub sich alleyn auff Gott
den almechtigen vatter/durch Jesum Christum seinē
geliebten sun/im heyligen geyst/richtet. Vnd dieweil
der selb glaub durch die lieb thetig/sol man inn der lieb
von reynem hertzen/vnd gutem gewissen vnd von vn-
gesehbrem glauben/alle ding zur besserung verstehn/
vñ erkleren/welcher ding so etlich geselet/hand sie sich
zu vnnützem geschweiz gewand/wollen der geschriffte
meyster sein/vnd verstehn nit/was sie sagē/oder was

ſie ſetzen. j. Thi. j. Diſes ſeind aber Bäßſt vñ merer teyl
Concilie / darumb wir jres vrteyls nit bedörffen / Gott
wölte dann inn zütüufftigem / wie verheyffen iſt / Con-
cilio / leut zuſamen bringen / die alleyn Gottes / vnd nit
jr eygen eh: oder nutz ſüchten / ja nit vnder dem namen
der Chriſtlichen kirchen / vñ heyligen geysts / wiß Gots
rath / gebott ordnung vnd willen / manigfaltigen ein-
geführten mißbrauch ie lenger ie mehr beſtettigten. Also
würdt aber nichts / dann Gottes wort gefordt / dieweil
man in ſeinem namen zuſamen kōmen were. Do müſt
eyn hitzigs gebet zu Gott vmb den heyligen geyst / den
lerer vnd tröſter / der auch die ſalbung iſt / die alle ding
inn der warheyt leytet. Johan. ij. beſchehen. Viſach:
Apocalipſis xxij. Der nam Gottes würdt an jren ſtür-
nen ſein / vnd würdt keyn nacht do ſein / vñ nit bedörffen
eyner andern leuchte od des liechts d̄ Sōnen (menſch-
lichs tags) Dann Gott der herr würdt ſie erleuchten.
Ja ſie verſiglen / daſ ſie im gewiſſen das wort Gottes /
in geheymniß des glaubē trügē: Dieweil niemants
des herren ſin weyß / er gebe dann die weiſſheyt vñ
ſende ſeinen geyst von der höhe Sapient. ii. Zwar
diſer geyst / ſo man bittet / wirt er gegeben Luc. xi. nach
dem willen Gottes j. Cor. xij. Er leret aber wie vor ge-
meldet nichts wider das wort / welchs von Moſe / den
lieben propheten / heyligen Apoſteln / Ja vñ Jeſu Chri-
ſto ſelbſt eröffnet iſt / danō wir vnwidſprechliche gnüg-
ſame kuntſchafft in bibliſchen büchern haben ꝛc.

Das vierd Fragſtück.

Q Ob auch die heylig gſchriſt in den ſtückē / die vns
zu d̄ ſeligkēyt not zu wiſſen an jr ſelbs lauter gnügſam
ſei. / ij / Oder menſchlich zu ſetz bedörffe.

Questio

Answer.

i Der Apostel Paulus spricht ij. Cor. iij. Ist vnser Euangelion verdeckt/so ist's in denen/die verlorē werden verdeckt/vnder welchen der Gott diser welle/der vnglaubigen sinne verblendet hat/das in nit scheint die erleuchtung des Euangelij/von der Klarheye Christi/welcher ist das ebenbild Gottes. Ja alle wort Gottes seind durchleutert/vnnd seind eyn schilt denen die auff in trawen. Vnd ob schon etliche ding schwer seind zuuerstehn/so verwirren sie doch alleyn die vngelerigē vnd leichtfertigen ij. Pet. iij. Dann die finsternuß mögen das liecht nit begreiffen Johan. j. Den vnglaubigen ist der steyn den die bawleut verworffen haben/zū Ecksteyn worden/vnd zum steyn des anstossens vñ zum fels der ergernuß/die sich stossen an dem wort vñ glauben nicht dran/darauff gesetzt seind j. Pet. ij.

ij Es leret auch die geschufft alles gūts/defhalb teyns menschlichen zūsatz bedarff ij. Tim. iij. ist auch inn der zweyten frog/oben/verantwortet. Ob schon/die propheten vnd Apostel menschen gewesen/so haben sie doch nit auß inen selbst/noch jres eygnen hertzen gedicht geredt/sonder getriben vom heyligen geyst ic. ij. Pet. j. haben sie das wort des himelischen vatters/wie auch Christus selbst/verkündet. Ir wissend zwar woll was jr singen am pfingstag vom heyligē geyst/Vernlich disen vers. Prophetas tu inspirasti ic.

Questio
S.

Das fünfft Fragstück.

Wie vil Göttlicher Sacrament seind/vom Christo selbst eingesetzt/vnd welche die seind.

Answer.

Zwey

C Zwey Sacrament hat vns Christus hinder jm gelassen / Den tauß / vnd das nachtmal des herren / Im tauß nemen wir sein zeychen / daß wir nach der regel Christi vnser leben gestalten wöllen / Im nachtmal stellen wir vns dar / für die / die in dē tode Christi vertrauent / so wir frölich in der versammlung seind / die dē herrē danck sagen / vmb der grossen güthar willē / daß er vns erlöset hat.

C Die andern so man Sacrament genennet hat / seind Ceremonien zc. Vnd wie wold die Ehe keyn Sacrament / ist doch ein notwendig ding / nit alleyn (wie wol zum fürnemsten) inn der Christenheyt / Sonder in d̄ ganzen welt / wil man anderst eyn vñhisch / zenckisch vnordigs leben verhütē / dauon in d̄ xvij. frag hernach.

C Das vi. Fragstück.

Questio. 6.

C Was eyn Christlich nörtige büß wircklig / ij Beichte. / in Absolution. / iij Vnd gnügthün für die sünd sei.

C Antwort.

C Die rechtschaffen büß ist / Nit mehe sünden / wie auch David spricht Psal. xxxiij. Lasse vom bösen vnd thū güts / Christus spricht: Wer mir nachuolgen will / der verleugne sich selbst / nem auff sich sein Creutz / vnd volg mir nach / vnd der mensch stehe alle zeit in d̄ forcht Gottes / welche das vbel hasset. Prouer. viij.

C Beicht.

C Die heylig geschriffte weyß vom keyner andern beicht / dann von deren / da der mensch sich selbs erkennet inn warheyt / als eyn sündler / vnd an der barmhertzigkeit Gottes sich ergibt. Psal. xxxij. Ich hab gesagt Ich wil dem herren meine vbertrectung bekennen wir

der mich / da vergabstu mir die misserhat meiner sünd.
In der Epistel sanct Jacobs / heyst (alterutrum) nit
eynpfaffen / Das (confitemini) wirt auch dem bapst
nit dienen / sonder mehe auff die weiß / wie d' herr Mat.
v. daruon redet / Wann du deine gab auff den altar le-
gest ic. Item eyn ieder bekenne sich eynen sünd / doch
nit auff papistische weise / ins pfaffen oren / auff das ie
eyner dem andern helffe Gott vmb verzeihung bitten /
wie auch sanct Jacob sagt. Von den außserzigen aber
wisse meniglich das (sich dem püester zeygē) nit beich-
ten heyst / Mehe / so ist zū mercken / dz der eyn außserzig
der Samaritan / auff dem weg gereyniget / dem herrē
bas gefiel / do er widerkeret vñ gott die ehr gab vñ dan-
cket / dan die andern ic. die sich den püestern zeygeten /
dem sei aber wie im wöll / so gehets die bapstlich beicht
nichts an de peni. dist. j. ca. Petrus. ca. lachrine. ca.
Magna stehe also geschriben: Petrus hat mit schmer-
zen geweynt / dan er hat geirret wie eyn mensch / Ich
find nit was er gesagt hab / Ich weyß das er geweynt
hat / ich lise seine treher / sein gnügthung lise ich nit ic.

Absolution.

iiij **G**ott alleyn hat zū absoluren. Esaiē. xliij. Ich
bins spricht Gott / Ich bins selbs / der ich nachlasse ob
vertilge deine bossheyten / vmb meiner willen / vnd dei-
ner sünden nit mehr gedencke. De conse. dist. iiij. ca. ne-
mo. ca. gratia. lisset man des gleichen.

Gnügthun.

iiij **E**s ligt am tag / in der heyligen geschriffte / das
Christus Jesus sei vns worden die weißheyt von Gott
die gerechtigkeit / heylmachung / vñnd erlösung / auff
das / wer sich rümpt / im herrē sich rüme j. Corin. j. xv.
Rom. v. ij. Corin. v. j. Pet. iiij.

¶ Darzū j. q. j. ca. vt euidenter. **¶** Itē de pe. dist. j. ca. quidam. **¶** Item ca. Porro. **¶** Item ca. gratia. **¶** Item de conse. dist. iij. gratia. **¶** Item dist. ij. de conse. ca. iteratur. **¶** Itē de pen. dist. iij. ca. quamuis. par. hac authoritate ic.

¶ Das vii. Fragstück. **Questio .A.**
¶ Was er vom Bapstlichen vnd Bischofflichē ablaß halt.

¶ Antwort.

¶ Ist eyner güt so ist der ander auch güt / So aber verrüchte leut dardurch gesterckt werden / als wücherer / hürer / rauber ic. **¶** Vnd das volkōmen leiden Jesu Christi / des man im glaubē teylhafftig wirt / dardurch gelestert wirt / seind sie beyde keyn nütz. **¶** Dieweil aber das gelt darin fürderlich angesehen / ist er auch wider das geysflich recht. **¶** Extra de penis ca. Licet. **¶** Gott behelt jm auch nach verzeihung der sünd keyn pein zūnor sonder pfflegt durch vil mangel vnd brechlicheyten die seinen zū gelassenheyt zū ziehē / welche nachzulassen in keyns menschen macht stehn. **¶** Suma des babst ablaß beschwert die gewissen vnd leret die seckel.

¶ Das viii. Fragstück.
¶ Was er halt vom Gesez glauben / ij. Gnad / wercken. / iij. Euangelio. / iij. Sünd. / v. **¶** Vnd wie vnder schidlich er sielere.

¶ Antwort.

¶ Vom gesez vnd glauben.

¶ Paulus Rom. ij. **¶** Keyn fleysch mag / für Gott / durch des gesezes werck rechtfertig sein / wann durch das gesez kompt nur erkantnuß der sünd. **¶** Nun aber

¶ B ij

Questio .8

Ist on zů ihm des gesezes / die gerechtigkeit die für gott
gilt / offenbaret / bezeuget durch das gesez vnd prophe-
ten / Ich sag aber von solcher gerechtigkeit für Gott /
die da kompt durch den glaubē an Jesum Christ / zů al-
len / vnd auff alle die do glaubē / das bezeugt auch Chri-
stus Johan. vj. Warlich / warlich ich sag euch / wer an
mich glaubt / das ist / sein hertzlich vertrawē auff mich
setzt / der hat das ewig leben / Sonun die werck des al-
ten (wie etlich sagen) gesez / so doch von Gott gebotten
waren / nit selig machen / wie möchtē dan die menschē
gebot / etwas gelten / wie oben gehöret ist.

Vonder gnad vnd wercken.

ij **G**ratia / heyst gnad / gunst vn̄ barmhertzigkeit
daraus wir alleyn selig werdē müssen Rom. iij. Psal.
xxxj. Woldem / dem die vbertretung vergeben seind /
des sünd bedeckt ist / Selig ist der mensch / dem der herr
die missehat nit zůrechnet / dis seind aber die glaubigē
Rom. viij. Paulus sagt weiter / dem ō nit mit wercken
vmbgeht / glaubt aber an dē / der die gotlosen rechtfer-
tiget / dem wirt sein glaub gerechnet zů gerechtigkeit
nach dem fürsatz der gnaden Gottes ꝛc. Christus Luc.
xvij. Wan jr alles gethan habt / was euch befolhen ist /
so sprecht / wir seind vnnütze knecht / wir haben gethan
das wir zů ihm schuldig warē. Demnach müssen wir
aus gnaden selig werden / vnd nit aus verdienst der
werck. Dan wir könnē vnser lebenlang die gebot Got-
tes nit volkommen erfüllen.

Vom Euangelio.

ij **P**aulus Rom. xv. sagt / das jm bevolhen sei eyn
diener zů sein Christi / vnder die Heyden zů opfern das
Euangelion Gottes / auff das die heyden werden eyn
opffer gott angemem / geheyliget durch dē heylgē geyst

Christus Marci am letzten / Gehend hin inn die weite
welt / vnd predigen dz Euangelion aller Creatur / Wer
do glaubt vn̄ getaufft wirt d̄ wirt selig / wer nit glaubt
wirt verdampt / Nun ist dis dz Euangelion / Lyn gü-
te mer / fröliche new zeitung / Das Christus Jesus sein
volck seligmacht von jren sünden Math. j. ca. Darüb
müß Christus leiden vnd aufferstehn v̄ den todte am
dritten tag / vnd predigen lassen in seinem namen / büß
vn̄ vergebung der sündē / vnd allē volckern. Lu. xxiiij.

C Von der sünd.

iiij **C** Der heylig geyst wirt die welt straffen / v̄m die
sünd / dz sie nit glauben an mich Johan. xvj. Itē Joha.
iiij. das ist das gericht / das das liecht in die welt kōmen
ist / vnd die menschen lieben die finsternuß mehr / dan dz
licht / dann jr werck waren böß. Itē wer nit glaubt d̄
ist schon gericht / die frucht aber der sünd / des fleyschs
vn̄ vnglaubēs / seind Ebnuch / hürerei / vnreynigkēy
geylheyt / abgötterei / zauberei / seindschafft / hader / ei-
fer / zorn / zanc / zwitracht / neiten / haß / mord / sauffen
fressen / vnd dergleichen von welchē ich sag / das die die
sölchs thūn / werden das reich gottes nit erbē. Gall. v.
v. **C** Wer verstand hat / d̄ kan wol mercken / wie vn-
derschidlich man von disen dingen redet.

Questio

C Das ir. Fragstück.

C j Was er halt von dē Christlichē tauff / ij vn̄ ob man
kinder tauffen soll.

C Antwort.

C Vom Christlichen tauff halt ich von hertzen wol
Aber vom papisten tauff / zū diser zeit des liechts / d̄ mit
sals / schmaltz / beschwōre / des wassers od̄ taufflings

B ij

anzeit/stat/vñ person ic. gebundē/halt ich gar nichts.

Vom kñnder tauff.

ij **Q** Dife frag/auff alle ort/vñd einred/gnũgsam zñ
erwegen/hat in difem kũrtzen bũchlin / wie auch 8 an-
dern xxvii. fragstũcken halb/nit zeit oder statt / Was
ich aber mit kũrtzen worten hie rede / das weyß ich mit
der hũlff Gottes gegē meniglichē schũfflich zũerhalte
So ich anderst darumb angefochten wũrd / darũb so
sag ich also.

Ich glaub/wo Christen leut/jre kñnder/in wassern/
alleyn vñ Got gebenedeit (so er alle ding wol gschaffen
hat) in freiem geyst/anzeit oder statt mit gebundē / vñ
Christen tauffen lassen / vñd das im namē des vatters
suns vñd heyligen geysts/sei nit vnrecht/Will/mit der
hilff gottes bald etwas in sonðheyt daruon lassen auß-
gehn. Aber hõrend noch eyn wort. Als wenig 8 kñnder-
tauff von Gott verboten ist / als wenig ist er auch ge-
botten/sonð Christlicher freihēyð heymgestellt / zũr bes-
serung der gemeyn Gottes.

Questio

10.

Q Dasr. Fragstũck.
ij Was er halt vom nachtmal Christi/ ij Vñd ob 8
leib vñd blũt Christi darin wesentlich empfangen wer-
den. iij Ob sich auch nach gũtlichē wort gebũre/solich
sacrament alleyn inn eynereley gestalt zñ empfangen.
iiij Vñd wem es gereycht oder vorbehalten werdc soll.

Antwort.

i **W**o ich nichts hielt vom nachtmal Christi / were
ich sein diener nit/ So es doch die Luangelisten vñd
Paulus/vom herren eingesetzt / so klãrlich außstruckē
Ich halt auch mer von difem sacrament/dann alle die

so es vmb gelt verkauffen/vñ mich öffentlich vñ heymlich/vnuerdient/eyn ketzer scheltē / **S**ie wissen aber in der warheyt nit weder was sacramēt/noch was Christus ist.

Ij Das ander teyl diser frag zūnerantwortē /ist wol zūmercken der vnder scheyd vnder dem brot/vñnd dem nachtmal/wie wol sie zūsamē gehōren. **A**uff das sage ich also. **D**er leib vñ blūt Christi werden nit alleyn in sacramēt als in zeychen/sonder auch in geheymnuß der warheyt/würcklich/vñ krefftig/von den gläubigen/ins hertz/in wort/durch den heyligen geyst/entpfangen. **D**ise speiß aber gibt der sun des menschen/selbs/der do ist das lebendig brot/vonn hīmel kōmend. **J**ohan.vj. keyn ander kan in geben/vñ gibts/alleyn den gläubigen/dann was hat das liecht für gemeynschafft mit der finsternuß. ij. Cor. vj. **J**a wer vberwind dem wil Christus geben von dem verborgnē hīmel brot. Apocal. ij.

Wil man aber ic wissen/woder leib Jesu Christi wesentlich gegenwertig sei/so erforsche mann die artickel vnser̄s alten/allgemeynen Christenlichē glaubens/die also lautend/Christus ist gen hīmel gefaren Actu. j. In das heylig nit mit henden gemacht Heb. ix. Do sitzt er zū rechten Gottes/von dannen er zūkünfftig ic. Wie der blitz von hīmel Luc. xvij.

Lassent vns dan̄ etwas auß dem geystlichē rechtē hōrē/zū erstē/de conse. dist. ij. ca. prima quidē. So lang biß die welt zergeht/ist der herr dobē. Aber hie bei vns ist die warheyt des herren/**D**an der leib in welchem er erstandē ist/muß an eynem ort sein/aber sein warheyt ist allenthalben außgossen. **J**te ca. vt quid /war ǖb bereytestu zen vñ bauch/glaub so hastu gessen/der inn

in glaubt/der isset in. **Ite** ca. quia passus spricht Augu-
stinus. Man sol in keynerley weg zweiffeln/das̄ eyn ier-
der glaubiger teylhafftig sei/des leibs vñ blüts des her-
ren/so er im taußf eyn glid Jesu Christi wordenn/ob er
schon von diser welt abschid/ **E**he dan er dises brot esse
vñ disen kelch trincke/so er ands in eynigkeyt des leibs
Christi gesetzt ist/ie doch das/das in so bedeutet ist mit
disem sacrament/in jm fundē werde. **M**in liebē her-
ren/es steht doch geschriben Johan. vj. Warlich/war-
lich sag ich euch/werdent jr nit essen vñ fleyßch des men-
schen sūns/vnd trincken von seinē blüt/so habt jr keyn
leben in euch. **A**uß disem ist wol abzünemen in was̄ ge-
stalt Christus gessen werde/welcher selbs die lebendig
speiß oder brot ist/vnd wie man das brot als eyn sacra-
mēt esse. **D**arauff lise. de conse. dist. ij. ca. Non iste. **E**s
ist nit das brot das in leib geht/sonder das brot des ewi-
gen lebens/welchs das wesen vnser seele seuret/diß ist
das täglich brot/empfahe es täglich/das̄ es dir täglich
nutz sei/leb also/das̄ du es täglich mögst empfahe. **I**st
nun Christus das täglich brot/warumb hat dann das
Bapstum erlaube/man seie im jar nur eyn mal schul-
dig zum sacramēt zugehn/in welchem doch (nach irer
sag) vnder der gestalt weins vnd brots/der leib vñ blüt
Christi ist. **O**der sol man dises täglich brot/nitt allzeit
essen. **W**arumb heysset dan Christus on vnderlaß bet-
ten/freilich vmb das täglich brot/wie er selbs geleret
hat. **M**ath. vj. **L**uc. xj. **W**as̄ sol ich sage/Christus gibe
sich selbs zū eynere speiß des lebens/imm glauben vñnd
nit leiblich zū niessen/ **D**as sacramēt brauchet man zür
widergedechtnis̄/zeychen/vnd danck sagung/des lei-
dens Christi. **O** gerechter Gott/wo seind wir/vñ vn-
ser sünden willen hinkommen. **P**aulus hat dises volck
gemeynet/

gemeynet/do er spricht: j. Thi. j. Sie verstehn nit was
sie sagen/oder was sie setzen.

iiij **C** Zu drittē teyl dieses fragstückes/sprich ich. Neyn.
laut der einsetzung Christi. man mag auch vernemē
auß dem text. j. q. j. Sacerdotes.

iiij **C** Wer aber danon getriben soll werdē/wirt her-
nach um der xxvj. frag verantwurtet.

Questio

C Das eylffte Fragstück.

C Ob sich auch nach götlichem wort gebür/das selbig
sacrament im heußlin einsperren/vnd anzubetten.

11.

C Antwort.

C Neyn. Dañ Christus hat es darzu nit eingesetzt/
Sonder man sol von diesem brot essen vnd kelch trinckē
den tod des herren zuuertündige/biß er kompt. j. Cor.
xj. Nun sollen vnserē augen den weg des herren behütē
ten. Prouer. xxij. Wir sollen vns auch nit auff vnserē
verstand länen/sonder inn allen diungen den herren bes-
denckē/so wirt er vnserē geng richten Prouer. iij. Sa-
lomon spricht auch Prouer. xij. Dem narrē gefelle sein
weiß wöl/Aber wer weiß ist/ß gehorcht dē rath. Ver-
stehe aber/dem götlichen rath. Jere. xxij. Zwar gnüg-
sam/sonil vns not in der heyligen geschufft er öffnet. ij.
Thimo. iij. cap.

C Die Canones dist. viij. mala. si solus. dist. ix. Ego so-
lis. Item dist. x. ca. Non licet. Item. xj. dist. Coniunctus
dinem/wöllen vmb keyner gewonheyt vnnid ansehens
willen/streffliche gebreuch/ neben der geschufft einge-
rissen/zulassen.

C Das xij Fragstück.

C Was eynrecht Euangelisch Wess sei.

Questio

12.

Antwort.

C Christus alleyn / hat eyne gehalten / am creutz / für vnser sünd / darumb sei jm lob / eh: vnd preiß inn ewigk: keyt gesagt / das steht auch de conse. dist. ij. ca. semel immolatus.

Questio

13.

Das xij. Fragstück.

i Ob der leib vnd das blüt Christi in der Mess mögē geopffert ij vnd derhalben Bapstlicher Canon gebraucht werden.

Antwort.

i Auffß erst / Da Christus ans creutz erhöcht ward vn̄ mess hielt / das ist für vns inn todts nöten kam / entlich seinen geyst dem vatter in seine hend befolhe / do w̄ es nit alleyn m̄glich / sonder auch not / vnd n̄tzlich / **A**ber hinfürt kan er nit mehe geopffert werdē / die weil er nit mehe sterben kan / Ro. vi. Hebre. ix. de conse. dist. ij. ca. semel Christus. Höre frömer Christ / die wort des Apostels Heb. x. Christus do er hat ein opffer geopffert das ewigklich gült / ist er gefessen zur rechten Gottes vn̄ wartet hinfürt / biß daß seine feind zum schemel seiner füß gelegt werden / **D**an mit Lynem Spffer hat er in ewigk:eyt volendet die geheyligten. Im Nachtmal bedenckt man dise ding vns zum trost / man darff die geschicht darumb nit Gott dem vatter representirē / dan ers noch nit vergessen hat ic. **O**b ich aber die representation / zū vberfluß zuließ / wölt ich mich der erklerung de conse. dist. ij. ca. semel Christus. behelffen.
ij **A**uß disem volget daß der Bapstlich Canon / bei den frömen verstendigen Christen nit gebraucht wirt.

Questio

12.

Das xij. Fragstück.

C j Ob sich auch gezieme eyn gestiffte/oder eyn and presenz/vnd nutzunge verdinglich / **Mess** / ij / auch in deutscher sprach zu halten.

C Antwort.

j **A**uffs erst / Der arbeyter ist seins lons werd. Lu. x. doch zur notturfft / vnd nit zum vberflus / wie die Symoneischen pfaffen / handeln. **E**s sol aber der geystlich arbeyter / im weingarten des herrn schaffen / vnnnd nit sein eygen sach / oder nutz / mit menschen gebott vn lere fordern. **V**nd wo die **Mess** schon gut were / solt sie doch vmb gelt nit verkaufft werden / wie mann gemeynlich pflegt. **K**eyn ley were also verrucht das er vmb ein bazzen zum Sacrament gienge / thet ers aber so wurd es niemants gefallen / dan es sol auß eygnem rechtē glauben geschehen / dieweil Christus den pfaffen vnd leyen gleichförmigē brauch seines nachtmals verordnet / vn niemandt dasselbig gleichsam eyn handtwerck vñ gelt als eyn gedingter knecht / sonder alleyn auß glaubē vn lieb / sich domit als eyn Christenlich mitglied zu bezeugē / auch nit als ein opffer / das er / für andren thun könne / sonder als eyn widergedechtnuß des tods vnnnd opffer Christi die er selbs halten muß / vben solle / welches alles in der pfaffen mess nit gehalten wirt.

ij **C** Zum andern der sprach halb / halt ich / was vnd wie es ie zur zeit / vnd dem volck besserlich ist inn der gemeyn / sol gehalten werdē / das ander laß man faren / es sei teütsch / welsch / hebreisch / triechisch oð lateinisch ic.

C Das xv. Fragstück.

C j Was er vom seggen halt / ij vnd ob man den seelē darinnen mit messen / vigilien / oder andern werckē zu

Questio
15.

C ij

hilff kommen kömme.

Antwort.

Q Scittenmales / on / vnuud wider die Biblisch geschriffte auff kommen / so halt ich von dem selbē erdichtē bapstliche segneur nit eynē tropffen / So es dan nichts ist / ist on noc sorg zū haben / die seelē darauß zū bringē / Besihe Johan. v. was vō abgestorbnē steht / do stehnd nūr zwen weg / der todt / vnd seligkeyt / keyn mittel / Also singt man in der prim. im Symbolo Athanasij. Da von auch xiiij. q. ij. ca. in presenti.

Q So man aber ie meynte mann müßte den seelen helfen / welchen es zwar / antweders nichts erscheußt oder sie es nit bedürffen. So müßte das leidē Jesu Christi solchs aufrichtē. Ja wie eyn ieder seins eygne glaubens geleben müß Habac. ij. Also mag niemant für dē andern etwas vor Gott bezalen Roma. xiiij.

Questio
16.

Das xvi. Fragstück.

Q Ob auch der Felich stand nach götlichem wort /
ij Vnd was fallen iemandt verbotten sei.

Antwort.

Q Zū ersten / der Felich stand ist ieder man erlaube nach götlichem wort / der anderst von natur geschickt darzū / vnd sich nit enthaltē kan. So aber iemants die gab der reynigkeyt vom Gott empfangen. Sapi. viij. Mag er wol on ehe bleiben / so verr doch nit ergernuß volgt / Danon j. Cor. vij. Math. xix. Der apostel sanct Paulus sagt / den Feuerbietern nitt vil güts nach. j. Timo. iij.

Q Lieben herren ist euch die heylig geschriffte nit gnüge samer zeng / so besehend auch das geystlich recht. xxvij.

dist. c. quidam nubentes. **Ite** dist. xxx. c. si quis nuptias
Item c. Licena synodus oust. xxxj. **Item** daselbs c. qm.
Item ca. aliter. Spricht der text/das die priester & die
 entischen oder krieichischen kirchen / mögen in die Le
 kommen. **Nun** ist ein kirch oder gemeyn/wie die ander
 zu achten dist. xcij. c. legimus. par. **Nam** et Alexandrie
Ich möcht noch vil anzeygen. Dunct niemants das dz
 vnelich leben / vil raths vnd erbarkeyt im Christen
 thumb geschafft habe / & las sichs hörē. **Es** steht Heb.
 xij geschriben: **E**hlich ist die hochzeit / vnd vnbesleckt
 die banier / die hürer aber / vn die Lebrecher wirt Gott
 richten.

Das xvij. Fragstück.

Questio
11.

In was fallen der **E**lich stand / gescheyden mög
 werden / vnd man dem gescheydenē beidem / oder eym
 andern sich widerumb geizime vereelichen.

Antwort.

Solt ich dise frag / nach art der schüllerer vn **Ju**
 risten / entscheyden / würd ein groß büch darauß / aber
 on not. **Doch** so ist offenbar **Math.** v. das mann vmb
Ebruch scheyden mög / darzu auß Gottes geheys. iij.
 büch **Mose.** xvij. vnd xx. ca. seind etlich personē ernenn
 net / die anch nit zusamen gehören. **So** es die not erfor
 dern würd wolt ich weiter dauon redē / dis büchlin soll
 kurtz sein.

Summa.

Es wirt eyn **C**hristlich oberkeyt / die do verstendig
 vnd der erbarkeyt hold ist / wol ordnen / so sich eyn sach
 zütregt / das eyns dem andern **E**lich nit beiwonē kan
 das sie nach gelegenheyt der sach gescheydē / **Aber** dar
 bei der hürereit keyn stat geben / sonder sie zünerhüetē /

C ij

Auß welchem volgt daß die gescheydenen sich wiß ver-
sehen mögen/sonst werens nit gescheyden. Difes findt
man auch im geystlichē rechtē. xxxij. q. vii. quid in om-
nibus. para. v. rorum. Item ca. quod. propo. para. ille.
Item ca. quidā. Ja on willen der ältern ist die Ehe nit
kressig des kinds. xxx. q. v. ca. aliter. Besorgt mann a-
ber ergeruß hier auß züentstehn/ So straff mann die
hürerei wie es keyserlich vnd götlich recht außweiset.
Dieweil mans aber nit strafft so benttet mā vilē laste-
ren die hand/ Gott erbarmt.

Questio
18.

Das xviii. Fragstück.

Was ämpter in der Chrißlichen kirchē zür seel sorgē
nötig seyen.

Antwort.

In der Chrißlichen kirchen bedarff man notwen-
dig/lerer/vnd hirten/die das wort der ermanung fürē
mit sampt denē/nach gelegenheyt der gemeyn/die die
sacrament helfen reychen/vnd die krancken heymfür-
chen. Item Diacon oder allmüßner die der armen not-
turfft versehen/wie actu. vj. Der anderen müßig gen-
ger vnd Chorsenger/möcht man wol entberen/dieweil
sie eyn vnmütigen/beschwerlichen stand/vnd vermeyn-
ten Gottes dienst führen/wiß die ordnüg Pauli. j. Cor.
xiiij. Mathe. vj. 2c. Das geystlich recht schilt auch/de
conse. dist. v. c. mediocriter. Itē ca. In sancta Roma
na ecclesia dist. xcij.

Questio
19.

Das xix. Fragstück.

Ob der mensch an den dingen die zü der seligkeyt
von nöten/eyn freien willen hab/ Auch ob man auß
menschlichē kressstē götlich gebot haltē könne od mög.

Antwort.

Iuffs erst/wir seind Kinder des zorns von natur
thünd den willen des fleisch vnd vnserer gedancken/
Eph. ij. Dises thün aber /ist sünd / dan das richte des
menschlichen hertzens/zum bösen / von jügend auff ge
neygt ist/ Nun spricht Paulus Roma. viij. Das gesez
des geysts/der da lebendig macht in Christo Jesu/ hab
in frei gemacht von dem gesez der sündē des tods. Wer
nun frei werden wil von der Knechtschafft der sünden/
der erkenne die warheyt/so wirt in d sin recht frei ma
chen/ Johan. viij. das ist/zum güten bereyte/durch dē
heyligen geyst/welcher vnser hertzen freiet vō einwir
kung der vnreynigkeyt/vnd gibt vns/ Gott/ zū leben
vnd zū sterben/er mag auch verharrlich zum bösen nit
gedungen werden/dann die schaf Christi werde ewigs
klich nit vmbkōmen. Jetzt ist offenbar dz auß mensch
lichen krefftē/wir die gebott Gottes nit halten kōnnē
Dan die welt mit sampt allen dingen/durchs wort/īm
heyligē geyst erschaffen/vil mehe der new mensch / eyn
newe Creatur in Christo/muß auß got alleyn entspin
gen/vnd zū allem güten/durch seine güte den heyligen
geyst/erhalten/vnd getriben werden/solchs weiter zū
erkleren erhiesch eyn sond büch/ Ist auff diß mal gnüg
Doch solise de cōse. dist. iij. ca. nemo. ca. gratia. do gibe
das geystlich recht/dem freien willen auch nit zū.

Das xx. Fragstück.

I Ob sich auch gebüre vnd not sei/ Mariam vñ an
dere keyligen vmb hilff vnd fürbit anzeruffen. ij Oder
aber Gott vmb der selbigen willen vns zū helfen bitte.

Questio
22.

Antwort.

i **A**uffs erst / So bekenne ich vnd glaub / hab auch
nie anderst geleret / das Maria die hochgelobt Junck
fraw / vnd müter vnser herrē Jesu Christi / sei aller ge
bürlichen ehren werdt / vnd eyn außserwelt vass gottes
doch alle zeit Gott sein ehr vorbehalten / die er keynem
andern gibt Esa. xliij. **V**ass solich mehe von jr sagen /
Ich halt auch das die lieben heyligen / vō Gott geliebt /
vnd mit seligkēyt begabet / welche / mit sampt der wir
digen müter Mariam / eröffnet sei / das keyn aug gese
hen / keyn or gehöret / vnd inn keyns menschen hertz nie
kōmen ist / dieweil sie Gott von angesicht zū angesicht
anschawen / **J**a dise freud wirt nimer auffhören / **D**az
wir da weren / wir würden auch nit mehe begeren.

Ans diesem volgt aber nit / das wir Mariam vñ an
dere heyligen vmb fürbitt anruffen sollen / **D**ieweil sie
nichts von vns wissen / wie Jesa. lxiij. ca. erscheint / da
also steht / **D**u bist doch vnser vatter / dann Abraham
weyß nichts von vns / vnd Jsrael erkent vns nit / **D**u
herr bist vnser vatter / du bist vnser erlöser / das ist dein
nam von alters her. **M**erck hie fromer Christ / so Abra
ham vnd Jsrael grosse heyligen vor Gott seind / vñnd
doch nichts von irem volck vnd somen den Juden wü
ssen / wie der prophet / für das volck bittend / bezeuget /
Warumb rüeff ich dan zū denē die mich nit wissen / wie
kōmend sie mein gebet für Gott tragen etc. **D**eshalb so
ists wider die geschafft / vñnd Christum selbs der vnser
fürsprech ist vnd versünung vor Gott dē vatter .j. Joh.
ij. vnd eyniger mitler .j. Thi. ij. **H**örend die red vnd für
bit so er gethan hat. Johan. xvij. **J**ch bit nit für sie (die
Apostel) alleyn / sond auch für die / so durch jr wort an
mich glauben werdē etc. **E**r ist auch erhöret Heb. v. **J**a
er ist der mitler des newen testaments / in dem blüt der
besprengung

bespiengung/das da besser redet (das ist vñ barmherzigkeyt schreie) dan Abels. Heb. xij. **S**uma 8 rodt Christi bittet für vns/dann er eyn mal beschehen/gilte imm ewigkeyt/durch den glauben werdenn wir der fürbitt teylhafftig.

Einred. Die lieben heyligen seind vnser brüder/darumb auß der liebe bitten sie für vns.

Anwort. Wir zweiffelt nit die lieben heyligen begeren aller menschen heyl/nach dē willē Gottes/noch kan ich sie nit anruffen vmb hilff/dan sie wissen nit woz mir büß/Als wenig auch eyn Christ in India/8 auch mein brüder ist/mein bit erhöret/dieweil er mich nit erkennet/mag wol iedermans heyl/nach dem willē Gottes bei jm selbs begeren zc.

Lieben herren/haben ewere teutsche vñ lateinische predicanten eyn ernst die vermeynt Christlich Kirch zū beschirmen/so trettens herfür/auff das wir weiter vō den sachen reden.

ij **S**um andern teyl diser frag sprich ich also/die im alten Testament müßten offte Gott/deren vatter ermanen/mit denē er dē pund gemacht hat:dieweil wir aber das Testament Gottes/jnen verheyssen/schon niessen/dōßffen Gott niemans ermanen dann des herren Christi/dann es ist keyn ander nam vnder der sonnen inn dem wir selig werden müßen / Dann der nam Jesu Christi Actu. iij. **S**uma man müß den vatter im namen Jesu anruffen. Ir wissend wollieben herrē wie jr ewere collecten beschliessen. per Christū dñm nostrū.

Das xij. Fragstück.

ij Was eyn recht Christlich gebet sei/ ij vnd ob das nützlich oder hülfflich vmb gelt oder belonung gethan werden mög.

**Questio
21.**

D

Antwort.

Auffs erst teyl / Eyn recht gebet / ist eyn ernstlich
vnd hitzig gesprech des gemüts mit Gott / darin man
nit alleyn Gott danckt vnd lobt / sonder mehe vmb eyn
anligens / nach seinem willen bittet / Dises entspringt
aber / so das hertz / mit erkantnuß der güte Gottes ent
zündet / sich zu Gott alles güts versicht / vñ allermeyst
in der zeit der not / vnd anligen / dan angst macht recht
betten. **N**ichte aber eyn ieder sein gebet / nach der mey
nung vñnd außweisen des vatter vnser / wie es dann
Christus beuolhē. Ob schon nit ebē die wort gebraucht
soldoch der inhalt / vnd verstand der wortē geübt wer
den wie dan vil psalmen seind / mit namen der iij. v. vi.
vij. x. xi. xij. xiiij. xvij. xvij. xx. xxv. xxvij. xxxj. xc.

Auff das ist gnügsam verantwurt auch das an
der teyl diser frag / dann wo ich auffß gelt sihe / vnd vñ
die belonung arbeyt / so handel ich nit auß des hertzen
anmit / begird / vnd anligen der not / sonder das mirs
gelt werde / **E**s soll aber den bittenden die not treiben /
auß rechtem glauben oder vertrauen zūbitten / nit die
presenz / opffer / oder Corpus wie mans heyst. Welche
nun in diser sach etwas weiters angelegen ist / & weys
mich / meinem erbieten nach / zūfinden.

Questio
22.

Das xxiij. Fragstück.

Was er halt von bildnissen inn kirchen vñ altaren.

Antwort.

Frag die gschriefft darüb / Exo. xx. Leuit. xix. Deut.
iij. v. vij. xi. xiiij. xxvij. Josue. xxiij. Judi. x. Psalm. lxix.
cxiiij. Psa. xliij. xliij. Hiere. x. xiiij. Item j. Cor. v. Act.
xv. iij. Johan. v. c. Dife vñd vil mehr ort geben güten

bescheyd was man von bildern halten sol.

¶ Wil man aber mich auch hören / so kan ich nit andst sagen weder die geschriffte daruon / vorab am ij. Buch Mose. xx. ca. Du solt dir keyn bildnuß / noch irgend ein gleichnuß machen / weder des das oben im himel / noch des das vnden auff erden / oder des das im wasser vnder der erde ist. Item v. Mose. xxvij. verflucht sei / wer eyn gözen od gegossen bild machet eyn gewel des herren. Dann Gott ist eyn geyst / vnd die in anbetten / die müssen in im geyst / vnd in der warheyt anbetten. Joh. iij. mit im steyn vnd holz ic. Die apostel heysen die predig des Euangelij / das wort der ermanung / man darff keyner gözen darzu / dann Christus hat prediger außgeschickt / nit maler zu malen / steynmetzen / oder bilderschnitzler / gözen zumachen ic. Vnd dieweil bilder eyn vnnützer kost seind den armen entzogen / so seind sie auch wider das geystlich recht. xij. q. ij. ca. gloria episcopi.

¶ Das xxij. Fragstück.

¶ Was er für eyn recht Chustlich feier / ij vnd faste halt / ij vnd ob es sich gezime / etlich speiß auff sonderliche zeit züerbieten.

¶ Antwort.

¶ Ich wolt gern weisen auff das lvij. cap. Esa. so verwerffen etlich die teutschen Biblen / vñ könnens latein auch nitt / doch wer da will der lese daselbst was recht feiren vnd fasten sei.

¶ Feiren.

¶ Ich wil auch etwas darnon sagen auß götlicher geschriffte / dan oben in der andern frag ist anch daruon geredt.

Die Jüden hatten von Got gebotten/nit mehe dan
vij. tag im ganzen jar/on die Sabbath/inn welchen sie
nichts arbeytend /ij. Mose. xxiij. Nun haben die Apo-
stel auch dise wenig fest auß Christlicher freihert ab ver-
künder. Galla. iij. Collo. ij. Actu. xv. vnd waren in bes-
serem brauch/dann vnserer feiertag/onzweifel von des
wegen abgethan das cyn notwendigkett darin gesetzt
was/vil mehe gezimet sich/vnserer feiertag/wider Got-
tes gebot auffgericht/nemlich so auch die gewissen mit
verbunden/vnd zu vil lastern gebraucht/hinsürligen
lassen. Vom Sonntag halt ich /das sich gezimme/ auß
Christlicher liebe zu den arbeytern / vnd mitrügen das
wort Gottes zu hören/vnd das gemüt deßer freier / vñ
eufferlicher arbeyt vnuerhindert/ mit götlichen dingē
zubelüftigen/die Concienz vnuerstrickt / mit der todt-
sünd ic. zu feiren. Es seind vil jünger/vnuerstendiger/
im glauben vnversarner/vnd schwacher leut/die solche
gemeyne offentliche feir/wie gehört bedörffen/zur leer
vñ ermanung an Gott / lise Actu. xiiij. xv. ij buch Mose.
xx. v. Mose. v. Suma der sabbath vmbß menschen wil-
len zur besserung vnd nit zum strick.

Aber alle stund sol man feiren von bösen wercken vñ
im willen Gottes rühen/im stillhalten in gedult vñnd
langmütigkett was er mit vns schaffe.

Ab man sagen wolt / es hetten vil fest iren grund in
der geschriff/ Antwort ich: Neyn. Es stehn wol die ge-
schichten in der geschriff aber der feiertag nit.

Fasten.

ij **D**ie heylig geschriff vnd dz geystlich recht redet
vom fasten also/das man auff ein hauffen alle wollüst
hinlegen/de conse. dist. v. ieiunium. Eyn trawren/vñ
rechtshaffne casteiung vñ des leibs quelung anneme/

vnd das darumb/das man dester hitziger bitter kömme/
Dauon iij. Mose. xxij. welchs vnser Juden de langē
tag heysen/auch zūm theyl. j. Cor. vij. Vermeidung der
speiß ist nur eyn stück an diser fastē/Aber/nit mer dan
eyn mal im tag essen vnd alleyn vrsch speiß ist gauckel
werck.

iiij **C** Darumb zūm dritten sprich ich/das/vmb eyns
vbels willem das vorhanden oder vergangen ist/oder
aus sonderer bekümmernuß vber die sünd. ic. wol mag
eyn tag oder zwen/vñ nit leichtlich mehe/eyn fast/wie
oben beschriben/doch das gewissen vnuerstrickt/ ange
nomen werden/auch von den getrewen pastoren vñnd
verwesern der gemeyn Gottes/aus liebe/zur besserung
Christlich beuolhē/werdē/danon habē wir eyn müster
im richter büch xx. ca. j. Samu. vij. 2. tra. viij. 1. he. j.
Nester. ix. Jere. xxxvj. Danie. ix. Jona. iij. 2c. Die erste
Christen habens also frei gehalten/ist hernach zūm miß
brauch kōmen wie vor augen ist. Die imerwerendē pa
pistischen alle jar widerkommenden/seelmōrdischen/
nārrischen fastag/erkennet die recht verstendig Chris
tenheyt nit.

C Sunst aber/welche/Christen seind die Creutzigen jr
fleysch mit sampt den lüsten vnd begirden Gall. v. Ja
sie werden mit dem geyst die werck des fleysch (vō wel
chen Gall. v.) tödten vnd leben Roma. viij. In summa
sie werden alle zeit/auff das die sünd in jrem sterblichē
leib nit regire/jre glider nit zū waffen der sünden/sünd
der der gerechtigkeit ergeben/Gott dem herrē zū die
nen Roma. vj. Also fastet man dann alle tag. 2c.

C Das xxiiij. Fragstück.

C j Was sie von Christo leren vñ haltē. ij Ober mir
D iij

Questio
29.

der dann der vatter sei. / **ij.** Vnd ob er die Gotheyt erst
genommen hab als er gen himel ist gefaren.

Answurt.

Ich halt / glaub vnd lere / das Jesus Christus / eyn
eyniger natürlicher son sei / des allmechtigen / ewigen /
eynigen Gottes / der himel vnd erden beschaffen hat /
auff welchen das ganz gesatz vnd propheten gedeutet
haben / welcher Christus vmb vnser willen in die welt
komen. Johan. i. der auch gehandelt habe / vnd noch /
darzu in künsttlichem werde richten die lebendigen vnd
todten / aller maß wie dz Symbolū Apostolorū inhele.
ij. **Z**u andern halt ich wie im Symbolo Achanasij
steht / das er nach der menschlichen natur milder sei
dan der vatter / gleich dem vatter nach gölichem we-
sen Johan. riiij. Sprach Christus: Der vatter ist größ-
ser dann ich.

ij. **V**on dē dritten teyl diser frag verwundert mich
größlich / dan ich niemants noch gehört hab / also re-
den oder zweiffeln / Ich hab auch besehē rriij. q. iij. ca.
quidam. Ich sind aber keyn sect / die diß gehalten hat /
wie hie gefragt wirt. Deshalb so bekenne ich kürzlich
also / damit ich die frager nit veracht. Wie Christus vō
heyligen geyst empfangen ist in Maria 8 Junckfrawē
Also ist auch auff selbig mal das wort fleisch worden /
vnd das er eyn mal angenommen / hat er nie verlassen /
Suma der mensch Christus ist nie on die götlich natur
gewesen / wiewol eyn zeitlang sich in der gestalt eyns
knechts hat sehen lassen. Phil. ij. ic.

Aber doch / so gehört billicher auff dise frag / dz plac-
werck D. Daniels. do er in seim ersten blat seims büch-
lins / vom dubitative vnd tentative ic. schreibt / zwar

eyn schön latein / Ich meyn er hats auß den Epistolis
obscuroorum viroorum genommen ic.

Questio.
25.

Das xxv. Fragstück.

Q Was er für Christlich Ceremonien vnd ordnung inn
der kirchen halt zübrauchen.

Antwort.

A Die zwey Sacramēt in 8 v. frag gemeldet Christ-
lich brauchen / mit sampt den dingen inn der xvij. frag
erzeler / vnd daß alle ding nach außweisung des Christ-
lichen glaubens vnd liebe beschehen / weren rechte Ce-
remonien vnd ordnungen. Die papistische Ceremonie
hindan gsetzt / als argwenig in Christlicher freiheyt. ic.

Das xxvj. Fragstück.

Questio.
26.

Q Was er für den Christlichen Bañ halt. ij Gegen
wem man in sol brauchen.

Antwort.

i Nach dē Christus vō ergernuß gered hat Mat.
xvij. Hebt er an eyn leer zügeben / wie man die selb er-
gernuß außreuten sol vn spricht: so dein brüder in dich
sündiget ic. lesens selbs / vnd nempt eben war daß die
kirch daselbs heyst die versämlung der pfar kinder inn
eyner ieden Christlichen gemeyn oder pfarr / Dañ solte
allzeit die ganz Christenheyt vmb eynes sünders willē
züsamen kōmen 8 sich nit straffen lassen wolt / wer vn-
müglich ist auch nie geschehen.

ij Es sol aber der ergerlich sündler außgeschlossen
werden wie oben gemeldet / zins vnd gült / vnd andere
schuld einzubringen / hat man Schultheys / scheffen /
richter ic. gehöret nitt inn die gemeyn Gottes mit dem

Ban zürichten zc. Lesen liebe freund. j. Cor. v. wer ver-
bannet werden sol/nit namen hürer/geizige/ abgöt-
terer/schelter/schender/trunckenböltz/rauber/mitt
difen soll man nit essen. Bald hernach im sechsten cap.
thut Paulus darzü/Lebrecher/weychling/Enaben-
schender/dieb/die selben mit sampt den oben erzelten
sollen das reich Gottes nit erben/Dan Gott wirt die
Lebrecher vnd hürer richten Heb. xij. Noch ist eyn
vöcklin zü bannen von welchē ij. Tessa. iij. stehet/So
iemand nit will arbeyten/der soll auch nit essen/vnd
man soll nichts mit jm züschaffen haben/lesen es selbs.
Wise aber alle samen/sollen auß vätterlicher züch-
tung/auff besserung verbannet werden/dan d'recht
ban/nür eyn artzenei ist. ij. q. j. ca. multi. Wer aber vn-
schuldig wider Gottes wort wirt verbannet/der ist nit
verbannt. xj. q. iij. ca. quomodo.

Wolan ich muß das Decret trücken/ob es etwas
mehr geben wolt. Nun spricht es keyn hürer kan das
sacrament machen/wie keyn böser baum gute frucht
bringt. j. q. j. Sacerdotes. ca. sacrasancta. Itē ca. ipsi.
ca. necesse. zc. Item keyn hürer soll mesß halten/sonder
er soll inn der gemeyn der priester nit geduldet werden.
xxxij. dist. ca. preter. Die hür soll auch gestrafft werdē.
dist. xxxij. ca. eos qui post. Ja mann soll sie verkauffen.
dist. lxxxj. ca. quidam. Es sol auch bei dē ban niemants
eyns hürers mesß hören/oder sehen. dist. xxxij. Nullus
Item ca. preter.

Will mann etwas mehe wissen so frag man mehe.

Questio
21.

Das xxxij. Fragstück.

Ob sie auch Catechisimum/dz ist vnderrichte d' Jun-
gen/zü forcht Gottes/mit fleissiger erklerung/der zehē
gebot/

gebot/des glaubens pater noster vben.

Antwort.

Wer mich predigen höret/der weyß daß ichs thū/
Ich wil es auch hinfürt mit der hilff Gottes/so etwas
verfaumpt were/weiter vnd öffentlicher zū mehr beße
rung der gemeyn Gottes thūn.

Questio

Das xviii. Fragstück.

Q Was die recht Christlich vnction/ij vnd besüch
ung der krancken sei.

28.

Antwort.

Die recht Christlich vnction ist der heylig geyst/
von welcher salbung. j. Johan. ij. mit der salb ist Chris
tus Jesus von Gott seinem vatter gesalbet mit dem
freyden öle mehr dann seine gesellen Psal. xlv. deshalb
er auch Messias/das ist/der gesalbt genant würd/vō
des vōlle wir all genomen haben Johan. j. so vil andst
glaubig seind/Gedenckent lieben herren/was ihr am
Pffingstag (Gott wolt mit verstand vnd hertzen) sin
gen/ In funde vnctionē tuā clemens nostris sensibus.

Will man aber fragen von dem das Marci vj. vnd
Jaco. v. geschriben steht/so sag ich daß es eyn Ceremo
ni/den Aposteln/zū irer zeit/gegeben sei/darbei wun
derzeychen zū vben/als die krancken gesund zū mache
wie d' herr Christus mit seiner speyhel eyn teyg mache
vnd es dem blindgebornen vber die augen streych/daß
er gesehen ward/Johan. ix. xc. Wann es die not erfordt
so weyß ich/von den gnaden Gottes/mehr danon zū
sagen. Noch eyns muß ich sage. Daß dises eusserlichs
salben/on der Apostel geyst/brauchen/eyn gespött ist.
Als so eyner wolt eyn hauß vmbziehen wie Samson/
15

vnd hett seine sterck nit.

ij **C** Zum andern sag ich/ daß die besüchung & trancken sei eyn Christlich brüderlich werck/ so es anderst al leyn auß lieb vñ nit auß eygen nutz gesüch beschicht/ Christus wirts am Jüngsten tag vñ meniglichem erfordern Math. xxv. vñnd nit ob er weiß oder blißblaw speiß gessen hab. So man auch eyn trancken mensche mit öl/gwesser/oder mit anderer lebzücht/ergetzte/ ist auch eyn werck der lieb.

Questio
29.

C Das xxix. Fraagstück.

i **Q** Was sie von der oberkeyt halten/leren/ ij vñ wie/warin man jr geborsam sein soll/ ij vñnd ob sie auch fleißig vor dem volck für sie bitten/sampt allen andern nottürfftigen anligen der Christenheyt.

C Antwort.

i **I**ch halt von der oberkeyt wie Paulus Ro. xiiij. do er spricht: Eyn iede seel das ist mēsch/ sei vnder than den obern gewelten/dann es ist keyn gewalt dann von Gott. j. Pet. ij. steht geschriben: Seiend vnder than aller menschlichen ordnung oder Creatur vmb des herrē willen/es sei dem künig zc. Dise oberkeyten können nit die Apostel sein/dann sie seind nür diener vnd aufsteyler der geheymnussen Gottes/ so spricht auch Christus Die fürsten der Heyden oder völkter herschen vber sie Also soll es aber nit vnder euch sein/ desgleichē Marci z. So spricht Petrus. j. Pet. v. Weydent die herd Christi die vnder euch ist/in vobis/vnd ver sehet sie/nicht genöttiget/sonder selbst willig/nicht auß schentlichs gewins süch/sond auß geneygtem gemüt/nit als die herschend vber das erb/sonder werdent fürbild der herd.

Item seind die bapstze. vicarien oder stathalter Christi
so sol jr reich nit vonn diser welt sein. Ja seind sie nach
Künne Petri/so sollen sie nit mit dem schwert schlagē/
wie Chustus/benolhen hat/Mat. xxvj. sonder/wans
vmb des willen ist/sich füren lassen/wa anderleut hin
wöllen. Johan. xxi. Die geystlichen sollen dem Keyser
gehorsamen. xxiij. q. viij. ca. tributum. In des Keyser
hand stehend alle eusserliche ding. c. Conuenior. Itē ex
tra de exāct. et cens. ca. ij. 2c. von der sach wüste ich meh
züreden wans not were. Es gehört kurtzlich den geyst
lichen alleyn das schwert des geysts/das da ist dz wort
Gottes Ephe. vi. xxiij. q. viij. ca. de Episcopis.

Suma die weltlich (wie mans nennet) oberkeyt ist
die/dero mir gehorchen sollen/ist auß dē obangezeygtē
gnügsam offenbar/die selben sollen Exo. xviij auß al
lem volck erlesne weise menner sein die Got fürchtend/
in denen warheyt sei/vñ die dem geitz seind sciend/Ob
sie aber nit söliche leut/wie erzelet ist/weren/soll jnen
dannocht iederman gehorsam sein/wo sie nicht wider
Got hiessen./j. Pet. ij. Sie werdens wol verrechē müs
sen am tag des vteyls/habē sie nit recht regieret. Got
wirt auch wol zü seiner zeit eyn Rosen schicken/vnnd
das volck auß gefencknuß der Tyrannei füren. So sie
darumb bitten/vnd jr leben bessern.

ij **S**um andern sprich ich/das man solle/in zeitlichē
dingen/das gewissen nit betreffend/der vorbenembrē
oberkeyt/vnderthenig sein/aller maß wie Roma. xiiij.
vnd anderstwo angezeygt ist.

Den vorstehern der gemeyn Gottes im wort/vnnd
Sacramenten/soll man gehorchen/souer sie auß dem
mund Gottes etwas heysen/Der menschen gedicht/
die hertzen damit züuerstricken/wie im Bapstum be

schehen/soll man in saren lassen/Dennach ist von nö-
ten/iederman in Gottes wort vnd erkantnuß sich zu
üben/damit man sich vor den falschen propheten zu hü-
ten wisse/vnnd des rechten hirtens stim erkent / gehöret
werde.

ij **C** Das dritt teyl diser letzten frag zuuerantwur-
ten/sag ich / das es alle Christliche prediger thün/Jch
weyß auch das es von mir / in Keyner meiner predig vn-
derlassen ist/dann mir nit vnwissend woz Paulus schrei-
bet. j. Thi. ij. cap. Jch erman euch/das man vor allen
dingen zu erst thü gebett/sür bitt/vn danck sagung für
alle menschen/sür die König / vnnd für alle oberkeyt/
auff das wir eyn gerewlich leben/vnd eyn stilles füren
mögen/in aller gotseligkeyt vnd redligkeyt.

C Beschluß.

C Erwidigen etc. So jr dise meine antwort lesen / so
verwunderen euch nit/das ich die geystlichen rechten/
zu zeugnuß anzihe / Ist nit darumb geschehē / das wir
also schrifftlos seien / dann ich auch zur notturfft ge-
schrifft gnüg hab dargethan / alleyn vmb kütze willen
die vberigē außgelassen. Sonder auß der vsach / das
man sehe/was beiden alten Christen/der warheyt vil
mehr gemess/dann inn etlich hundert Jaren / vnnd zu
vnseren zeiten im Bapstumb gehandelt sei. Wierwoles
nit on ist/das mit dem güten samen vil vnkrauts auff-
gangen Nach. xij. Item xi. q. ij. ca. Nolite recedere/
vnd seitennal die menschen die lieb der warheyt nit ha-
ben auffgenömen/das sie selig würden/hat jnen Gott
gesendet krefftige irthumb/das sie glauben der lügen/
auff das gerichtet werden / alle die der warheyt nit ge-
glaubt haben. ij. Thessa. ij. Dises gericht vnd vteyl ist

zwar die blindheit/das sie das vnkraut vnd dē Weytzē
nit erkennen haben. xxij. q. iij. ca. quantus. vnd dem-
nach nit alleyn das vnkraut / mit beschwerd / laut der
Euangelischen parabel geduldet / sonder gūten samē
vnderstanden außzūrauffen / vñ den raten / das wūst
kraut / auffzupflanzen. Auß welchem dann entsprung
gen die / onzal menschen / vnchristliche sartzungē / auch
im Bāpstlichem rechten außgedruckt vnd gebotten /
wie mann im Decret vnd Decretal. liser. Deshalb
herzlieben herrē vnd freund / Ist mein fleissig bit wōl-
lend dise / meines glaubens / rechen schafft / mit gedult
lesen vnd vnparteylich verstehn / wo es / meinem erbiētē
nach / not sein wūrd / wil ich / mit der hilff Gottes dises
vnd anders weiter erōitern / Gott wōl vber sein
worz eilen / es zū volstrecken. Jere. j. verheys-
sen / iedoch seiner barmhertzigkeyt / an
vns armen sūnderen / die gnad be-
geren / nit vergessen. Amen.

Auß geschefften des Truckers / hat dis būchlin nit
ehe mögen getruckt werden / Ist aber doch fertig dar-
zū gewesen / wie das datum in der vorred außweiset.

1002660

[Faint, illegible text, likely bleed-through from the reverse side of the page]

[Faint, illegible text, likely bleed-through from the reverse side of the page]